

ՖՀՄՍԿ ՄԵԼԱԲԱՆՈՒԹՅՈՒՆ 6

ԷԼԵԿՏՐԱԿԱՆ և ԷԼԵԿՏՐՈՆԱՅԻՆ ՍԱՐՔԱՎՈՐՈՒՄՆԵՐԻ ԹԱՎԻՈՆՆԵՐԻ յուրահատուկ շուկայում մասնակցությունից առաջացող պարտավորություններ

Հղումներ

- ՀՀՍՍ 8 Հաշվապահական հաշվառման քաղաքականություն, փոփոխություններ հաշվապահական հաշվառման գնահատումներում և սխալներ
- ՀՀՍՍ 37 Պահուստներ, պայմանական պարտավորություններ և պայմանական ակտիվներ

Նախապատմություն

- ՀՀՍՍ 37-ի 17-րդ պարագրաֆում նշվում է, որ պարտավորեցնող դեպք այն անցյալ դեպքն է, որը հանգեցնում է ներկա պարտականության, որի մարումից (կատարումից) խուսափելու որևէ իրատեսական այլընտրանք կազմակերպությունը չունի:
- ՀՀՍՍ 37-ի 19-րդ պարագրաֆում սահմանվում է, որ պահուստ են ձանաչվում միայն «այն պարտականությունները, որոնք առաջանում են անցյալ դեպքերից և գոյություն ունեն՝ անկախ կազմակերպության ապագա գործողություններից»:
- Էլեկտրական և էլեկտրոնային սարքավորումների թափոնների (ԷԷՍԹ) վերաբերյալ Եվրոպական Միության դիրեկտիվը, որը կարգավորում է սարքավորումների թափոնների հավաքումը, մշակումը, վերականգնումը և ոչնչացումը՝ առանց շրջակա միջավայրին վնաս հասցնելու, առաջադրել է հարցեր այն մասին, թե որ պահին պետք է ձանաչվի ԷԷՍԹ հեռացման պարտավորությունը: Դիրեկտիվը տարանջատում է «նոր» և «պատմական», ինչպես նաև տնային տնտեսություններից առաջացող և տնային տնտեսություններից բացի այլ աղբյուրներից առաջացող թափոնների տեսակներ: «Նոր» թափոնը վերաբերում է 2005 թվի օգոստոսի 13-ից հետո վաճառված ապրանքներին: Դիրեկտիվի հմաստով, նշված ամսաթիվը առաջ վաճառված բոլոր կենցաղային սարքավորումների թափոնները համարվում են «պատմական»:
- Դիրեկտիվը սահմանում է, որ կենցաղային սարքավորումների «պատմական» թափոնների կառավարման ժամանելոր պետք է հոգան տվյալ տեսակի սարքավորումներ արտադրողները, որոնք ներկա են շուկայում այն ժամանակաշրջանում, որը որոշվում է յուրաքանչյուր Անդամ պետության կողմից կիրառելի օրենսդրությամբ (չափման ժամանակահատված): Դիրեկտիվը նշում է, որ յուրաքանչյուր Անդամ պետություն պետք է սահմանի մեխանիզմ, ըստ որի՝ արտադրողները պետք է համանանորեն մասնակցեն ծախսերի հատուցմանը, «օրինակ՝ ընկերության՝ տվյալ շուկայի համապատասխան բաժնում մասնակցության համանանությամբ ըստ սարքավորման տեսակի»:
- Սույն մեկնաբանության մեջ օգտագործվող մի շարք տերմիններ, ինչպիսիք են «շուկայի բաժին» և «չափման ժամանակահատված», կարող են տարբեր կերպով սահմանվել առանձին Անդամ պետություններում կիրառելի օրենսդրություններում: Օրինակ՝ չափման ժամանակահատվածի տևառությունը կարող է լինել մեկ տարի կամ ընդամենը մեկ ամիս: Նմանապես, շուկայի բաժնի չափումը և պարտականության հաշվարկման բանաձևերը կարող են տարբերվել տարբեր երկրների օրենսդրություններում: Սակայն բոլոր թվարկված օրինակները ազդեցություն ունեն միայն պարտավորության չափման վրա, ինչը սույն մեկնաբանության գործողության ոլորտից դուրս է:

Գործողության ոլորտ

- 6 Սույն մեկնաբանությունը տրամադրում է ուղեցույց «պատմական» կենցաղային սարքավորումների վաճառքից առաջացած թափոնների կառավարման պարտավորությունները (ըստ ԵՄ ԷԷՄ դիրեկտիվի) արտադրողների ֆինանսական հաշվետվություններում ձանաչելու վերաբերյալ:
- 7 Սույն մեկնաբանությունը չի վերաբերում ոչ «նոր» թափոններին, ոչ էլ տնային տնտեսություններից բացի այլ աղբյուրներից առաջացած «պատմական» թափոններին: Այսպիսի թափոնների կառավարման պարտավորության հաշվառումը կարգավորվում է ՀՀՄ 37-ում: Սակայն, եթե երկրի օրենսդրությունում տնային տնտեսություններից առաջացած «նոր» թափոնը դիտարկվում է այնպես, ինչպես տնային տնտեսություններից առաջացած «պատմական» թափոնը, ապա կիրարվում են սույն մեկնաբանության սկզբունքները հղում կատարելով ՀՀՄ 8-ի 10-12-րդ պարագրաֆների ստորակարգությանը: ՀՀՄ 8-ի այդ ստորակարգության սկզբունքը տեղին է կիրարել նաև այն կանոնակարգերի նկատմամբ, որոնք սահմանում են պարտականություններ ԵՄ դիրեկտիվում ներկայացված ծախսերի բաշխման մոդելին նման եղանակով:

Հարցադրում

- 8 ՖՀՄՄԿ-ին ներկայացվել էր հարցադրում՝ սահմանել, թե ԵԵՄ-ի հեռացման գործընթացում ստորև նշվածներից որն է համարվում պարտավորեցնող դեպք թափոնների կառավարման ծախսումների պահուստի ճանաչման նպատակով ՀՀՄ 37-ի 14ա պարագրաֆի համաձայն՝
- «պատմական» կենցաղային սարքավորումների վաճառքը կամ արտադրությունը.
 - շուկայում մասնակցությունը չափման ժամանակահատվածում.
 - ծախսումների կատարումը թափոնների կառավարման հետ կապված միջոցառումների իրականացման շրջանակներում:

Փոխհամաձայնություն

- 9 Համաձայն ՀՀՄ 37-ի 14ա պարագրաֆի՝ չափման ժամանակահատվածում շուկայում մասնակցությունը համարվում է պարտավորեցնող դեպք: Հետևաբար, «պատմական» կենցաղային սարքավորումների թափոնների կառավարման ծախսումների պարտավորությունը չի առաջանում ըստ ապրանքների արտադրության կամ վաճառքի: Քանի որ «պատմական» կենցաղային սարքավորումների վերաբերյալ պարտավորությունը կապված է չափման ժամանակահատվածում շուկայում մասնակցության, այլ ոչ թե հետագա թափոնացման ենթակա գույքի արտադրության կամ վաճառքի հետ, պարտավորություն չի առաջանում, բացառությամբ այն դեպքի, կամ միայն այն պահից ի վեր, եթե չափման ժամանակաշրջանում առկա է շուկայի բաժին: Պարտավորեցնող դեպքի ժամկետը կարող է կախված չինել այն ժամանակահատվածից, որի ընթացքում իրականացվում են թափոնի կառավարման միջոցառումները և կատարվում դրա հետ կապված ծախսումները:

Ուժի մեջ մտնելը

- 10 Սույն մեկնաբանությունը կազմակերպությունը պետք է կիրարի 2005 թվականի դեկտեմբերի 1-ից կամ դրանից հետո սկսվող տարեկան ֆինանսական հաշվետվությունների նկատմամբ: Եթե կազմակերպությունը սույն մեկնաբանությունը կիրառման մեջ է դնում 2005 թվի դեկտեմբերի 1-ից առաջ, ապա նա պետք է բացահայտի այդ փաստը:

Անցում

- 11 Հաշվապահական հաշվառման քաղաքականության փոփոխությունները պետք է հաշվառվեն
ՀՀՍՍ 8-ի համաձայն: